

## Jiõk leäkku õhttu

Hej, hej, hej, jooulid lij veäl mängg mänpââjjad, štõ ij veäl pee'ljid heärvven. Åå'n mainstep mi'jjid pukid vääznai ää'sšest: škoolräühast. Tån ee'jj tee'mm lij "Jiõk leäkku õhttu".

Juõ'kk'kaž mee'st taarbâž taaurõõžž, ķeäin vuäitt jue'kked rämmaid da pe'cclid. Måttmešt lij kâ'l pue'rr lee'd õhttu. Õhttu åårrmõõžž da čårrnemvuõđ ij vuäžž seäjjted. Čårrnemvuõtt lij nõkam, štõ tu'st i'lla ni ķii taaurõssån le'be ååskak štõ tu'st jeä'la ni võõps taaurõõžž. Õhttu åårrmõõš e'pet lij vall'jõs koon vuäitak jiõčč va'lljeed.

Ķeeu'summuš vuäitt jåå'dted čårrnemvuõ'tte da raaimõssån jõba jiõgglvaz traumaid da miõlltiõrvåsvuõttjie'ttid. Ķeeu'summuž nuu'bb oummust vuäitt tobddjed nu'tt, štõ ķii-ne kuäivv činġål kõõ'v, lä'ġġast tøk da teåudd õ'dđdest, da tõt ij tobddai ni võõps pue'rren. Ceä'lĳķemvue'kk "Äi'ġġ pue'rad haa'vid" jåå'dat čorru, ij-ga vie'kkat tån ää'sšest. Ķeeu'summšest vuei'tte pää'cced åå'kkpâjjsaz aarb, kook pä'cce väi'vveed čõõđ loppjie'llem.

Jå'ttlab kässjõõttmõš ķeeu'summša vuäitt veä'kkted. Jõs ķeu'såäk, tâ'l looppåd tõn; tõt tuejjad järnsid hue'nes jeäl. Jõs tuu ķeu'see le'be vuäinak ķeeu'summuš, tâ'l muu'st mainsted tõ'st vuõråsoummid. Tõt, štõ ķeeu'sad, ji leäkku cool, ba tõt, ŠTO PEÄ'LAST ĶEU'SUUM TAAURÕÕZZ, LIJ COOL! Ķeeu'summuš vääj jee'd še reäkkõs!

Škooulräüh vuäitt miårkkšõõvvåd jee'res aa'sšid jee'res oummid. Tõt vuäitt lee'd nõkam, štõ vuäžž lee'd jiijasnallšem, ij ni ķii kuõđđu åålgbeälla, juõkk'kast lij taaurõs da juõkk'kast lij pue'rr jeäll škouulast. Mij raajjåp õõutsåå'jest škouulräüh.

Muu'st, štõ jiõk leäkku õhttu da vää'ld pukid mie'ldd.

**Škooulräüh čõõđtõs 28.8.2024**

Koulurauha  
Skolfreden 